



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§. 14. De bonis traditis in villa Buria in pago Almunga.

urn:nbn:de:hbz:466:1-36114

Ab anno
822 vsq̄ue
826 im-
perante
Hludo-
uico et

§. 14.

Tradidit beno in uilla nuncupante *buria* (v) quidquid ibi habuit testef-
bilif hobert raduerc helmuerc fiuuard.

§. 15.

tur. Vnde demonstrari poterit, errare multos viros, alias præstantissimos doctif-
simosque, qui in Jurisprudencia Publica Imperii Romano Germanici asserunt,
Saxoniam nostram ante Hermannum, Billingi filium, nullos habuisse duces cum
propria potestate præter Cæsares. Hæc ergo sententia cum multis inuenerit
patronos atque adprobatores, nos in Historia Corbeiensi originale diploma cæ-
saris Hludouici ari incisum dabimus, quo sumus contrarium ostensuri. Vt
autem quadam hic prælibemus res ipsa postulat. Omnes necum fatebuntur,
ducatum sine potestate sibi fingere, esse idem ac cum ratione insanire. Fuisse
vero in vtraque Saxoniam *ducatum*, ex hisce traditionibus patet, quibus quippe vt
coætaneis et ætati rerum gestarum supparibus omnino fides videtur habenda.
Iam ad argumenta dominorum iuris peritorum respondebimus vnum et alterum.
Monemus, 1) diploma in Historia Ecclesiastica Adami Bremensis, ad quod pro-
uocant, esse fictitium, 2) Eginhardi verba non comprobare ea, quæ comprobare
debeant, 3) idem nos pronunciare de verbis Poëte Saxonis, a Domino Illustri
Johanne de Cocceii in *Juris publici Prudentia* cap. III. Sect. 3. adductis, 4) Hein-
ricum aucupem maiori quidem potestate regnasse in Saxoniam, inde vero non se-
qui, ante eius tempora Saxones nostros nullos habuisse duces, 5) 6) et 7) Hel-
moldi, Alberti Stadenfis, aliorumque recentiorum, tanquam non coætaneorum
nihil euinci posse. Si denique putant, ex nullo idoneo auctore contrarium posse
doceri, has traditiones, quas nunc primum edimus, nostraque Corbeiensia ostendunt,
neque Cocceium, neque alios suffecisse euoluendis omnibus auctoribus, nec
diplomata omnia vidisse. Hisce præmissis, perquirendum nobis est, quam
intelligatur villa per *Immanbus*. Multæ in nostra Saxoniam olim fuere villæ, quarum
nomina cum hac villa nostra conuenire videntur. Primum ex hisce tradi-
tionibus discimus, et quidem ex §. 155, villam Immichusen referri ad *pagum Nif-
tarsi*, quondam comitis *Ekberti proprium*, quem Carolus M. *ducem præfecit Saxonibus*,
qui inter *Rhenum et Wisurgim, maxima flumina, inhabitabant*, teste Uffingo,
Monacho Werthinensi, in *Actis Idæ ducissæ* Tom. I. S. R. Brunsvic. Leibnitii p. 172.
Hæc villa hodie dicitur *Himmighusen*, sita in episcopatu Paderbornensi, olim se-
des nobilium de Schilder, iam vero dominorum de Donop. Postea reperitur
villa *Imminghusen* in comitatu Waldeccensi in præfectura Lichtenfels, quondam
in *pago Itegowæ*. Deinde erat olim comitatus quidam *Immedeshusen* dictus in
locis Soratfeld, Sinutfeld, Almunga, Treueresga et Burelaun, etiam in Saxoniam
occidentali inueniendus. Tum est villa *Immsen* non procul ab vrbe Alfeldia in
episcopatu Hildesiensi, cuius ecclesia filia est ecclesiæ in vico Wispenstein obuia,
ad nobiles Dominos de Steinberg referenda. Postea dynastia *Imbsihusen* in prin-
cipatu Grubenhagenensi ad dictos L. B. de Steinberg spectat, in qua est *Imbsihusen*,
vbi nobilium domus eminet et Lagerhusen. Tum vero est villa quædam *Imb-
sen* itidem in principatu Göttingensi in dynastia Levenhagen, quam nobiles de
Stokhusen, mareschalli hereditarii abbatia nostræ Corbeiensis, incolunt. Deinde
olim fuit villa quædam *Immense* dicta, quæ iam desolata, ad siluam Thrimming,
hodie appellatam *der Drömpling*, in aduocata Steinbeke ad nobiles dominos de
Bartensleben, quorum vltimus anno 1742 naturæ concessit, referenda. Denique
etiam in Registro Abbatis Sarachonis villa *Immedeshusen* refertur ad *pagum Hest-
Saxonicum*, quæ probabilissime est oppidulum *Immanhusen* in Landgrauiatu
Hassia intra præfecturam Grebenstein. Hoc loco intelligi vicum *Immsen* non
procul ab vrbe Alfeldia, patet ex eodem Registro Bonorum et Prouentuum ab-
batia Corbeiensis. Reulit enim eandem Abbas Saracho ad *pagum Aringbo*,
quem in regione vrbis Alfeldia existitisse, infra demonstrabimus. Quodsi autem
pagus Aringbo in Saxoniam orientali, et villa *Immanbus*, in eodem pago posita, fuit
in *ducato*, tum profecto sequitur, iam tempore cæsaris Hludouici existitisse *duca-
tum* in Saxoniam et ea quidem orientali.

De villa
Buria.

(v) Villam *Buria* tribuit Saracho Abbas in præstantissimo suo Registro *pago Almunga*,
qui situs erat in episcopatu Paderbornensi ad flumen dictum *die Alme*, vti infra
videbimus. *Buria* ergo erit *Buren* in dynastia Buren in Paderbornensi principa-
tu,